

आकाशवाणी

खबरां ----

1. विदेश सचिव विक्रम मिस्त्री दपक्खी गल्लबात लेई चीन दा दौरा करडन।
2. प्रधानमंत्री नरेंद्र मोदी होर गणतंत्र दिवस थमां पैहले एन.सी.सी. कैडेट, कलाकार ते जनजातीय समुदाय कन्नै मलाटी करडन।
3. जल शक्ति मंत्री सी आर पाटिल होरें दावोस च आखेआ जे भारत नै बड्डे पैमाने उप्पर यत्नें राएं पानी दे संसाधनें गी मजबूत कीता ऐ।
4. आकाशवाणी ते दूरदर्शन नै 76में गणतंत्र दिवस परेड दे सिद्धे प्रसारण लेई पूरी तैयारी करी लैती ऐ।
5. मुख चुनांस कमिशन होरें आखेआ जे बायोमीट्रिक राएं प्रमाणिकरण इक बेहतरी सरिस्ता ऐ जेदे कन्नै अवैध ते बार-बार मतदान दी संभावना घटदी ऐ ते एहू बी यकीनी बनदा ऐ जे मतदान उचित मतदाता नै कीता ऐ।

<><><><><><>

**Foreign Secy**

विदेश सचिव विक्रम मिस्त्री होर चीन दे दो दिनें दे दौरे पर जा रदे ना। जित्थे ओहू भारत ते चीन बश्कार विदेश सचिव उपमंत्री सचिवें दी बैठक च शामिल होंगन। नमीं दिल्ली च विदेश मंत्रालय दे प्रवक्ता रंधीर जयसवाल होरें पत्रकारें गी जानकारी दिंदे होई आखेआ जे विदेश सचिव होर चीन दे उपमंत्री हुंदे कन्नै मलाटी करंगन ते दौनें मुल्ले दे दपक्खी हितें बारै गल्लबात करंगन।

<><><><><><>

## PM R-Day Guests

प्रधानमंत्री नरेन्द्र मोदी होर नमीं दिल्ली च गणतंत्र दिवस समारोह 2025 दे एनसीसी कैडेटें, एनएसएस स्वयं सेवकें, युवा विनियम कार्यक्रम दे कैडेटें, झांकी कलाकारें ते जनजातीय समुदाय दे लोकें कन्नै अज्ज मलाटी करडन। प्रधानमंत्री हुंदे आवास पर इक कार्यक्रम दा सरिस्ता कीता गेआ ऐ, जित्थें प्रधानमंत्री होर पर्दे दे पिच्छे कम्म करने आले झांकी कलाकारें दे कन्नो-कन्नी इस ब'रे दी गणतंत्र दिवस परेड च हिस्सा लैने आले एनसीसी कैडेटें कन्नै गल्लबात करडन। गणतंत्र दिवस परेड 2025 भारत दी सांस्कृतिक बन-सबन्नता ते सैन्य कौशल दा इक अनोखा मिश्रण होग, जेह्दे च संविधान दे लागू होने दे 75 ब'रे ते जन भागीदारी उप्पर चेचा ध्यान दित्ता जाह्ग।

<><><><><><>

## JK R.Day Guests

इस ब'रे नमीं दिल्ली च गणतंत्र दिवस समारोह च जम्मू खित्ते दे 20 विशिष्ट व्यक्ति खास परौहने दे तौर पर शामिल होंगन। इंदे च पैरालॉपिक च तगमा जित्ते आली ते अर्जुन पुरस्कार विजेता शीतल देवी ते राकेश कुमार मुख्त तौर पर शामिल ना। इंदे अलावा प्रधानमंत्री विश्व कर्मा योजना श्रेणी च प्रवीण चौधरी, शिडक निर्माण श्रेणी च हरदीप सिंह ते कस्तुरी लाल ते होर दुए राष्ट्रीय ते अंतराष्ट्रीय खेडु मकाबले च हिस्सा लैने आले खडारी शामिल ना। एह लोक कर्तव्य पथ पर गणतंत्र दिवस समारोह च शामिल होने आले 10 ज्हार खास परौहने च शामिल ना। इनें सब्बनें लोकें 76में गणतंत्र दिवस च उनेंगी खास परौहनें दे तौर पर सहने लेई प्रधानमंत्री नरेन्द्र मोदी हुंदी अगुवाई आहली केंद्र सरकार दा आभार जताया ऐ। उधमपुर जिले थमां जेडे खास परौहनें गी सद्देआ गेदा ऐ उन्दे च जल योद्धा दे तौर पर कम्म करा करदी निशा शर्मा मुख्त ना। निशा होर जिले च सुक्री गेदे तलाएं ते होरनें जल स्रोतें च नमें सिरेआ जान भरने लेई सख्त मेहनत करा करदियां ना। तोआई,

उधमपुर जिले दे हेमराज होरें'गी बी खास परौहने दे तौर पर सद्देआ गेदा ऐ जेड़े जिले च बक्ख-बक्ख खेत्तरे च रोजगार दे नमें मौके पैदा करने ते गरीब ग्रामीण लोकें गी औंदन बदाने लेई सख्त मेहनत करा करदे ना। जिले दे गै इक्क होर बसनीक धर्मचंद होर बी खास परौहने दे तौर पर नमीं दिल्ली जा करदे ना। धर्मचंद होर करसानें दी औंदन दूनी करने लेई सहकारिता खेत्तर च अपना बडमुल्ला योगदान देआ करदे ना।

<><><><><><>

## RS-Special Guest

26 जनवरी गी नमीं दिल्ली दे कर्तव्य पथ उप्पर होने आहले 76में गणतंत्र दिवस दी परेड च लोकें दी शमूलियत गी बदाने दे सरकार दे यत्ने तैहत 10 ज्हार विशेष अतिथिएं गी सादृदा दित्ता गेआ ऐ। इनें अतिथिएं च आपदा मित्र, आशा वर्कर, करसान उत्पादन संगठन, प्रधानमंत्री किसान सम्मान निधि दे लाभार्थी, माई भारत दे स्वयंसेवक शामिल ना।

<><><><><><>

## Jal Shakti

जल शक्ति मैहकमे दे मंत्री सी.आर पाटिल होरें आखेआ जे भारत ना छड़ा पानी दे संरक्षण गितै प्रतिबद्ध ऐ बल्कि इस खेत्तर च क्रांतिकारी बदलाव लेई कम्म करा रदा ऐ। दावोस च विश्व आर्थिक फोरम 2025 च भारत पविलियन च मुख भाषण दिंदे होई श्री पाटिल होरें आखेआ जे बडु पैमाने उप्पर प्रयासें मगरा भारत नै अपने जल स्रोतें दा तगड़ेयाई कन्नै संरक्षण कीता ऐ जेड़ा पानी दे संरक्षण लेई दुनिया च मिसाल ऐ। अंतरराष्ट्रीय साथ-सहयोग ते किट्टै यत्ने दा आह्वान करदे होई श्री पाटिल होरें आखेआ जे जलवायु परिवर्तन मती आबादी ते बेतरतीव इस्तेमाल कारण बनी दी पानी दी थोड़ इक कुल संसारी चुनौती ऐ।

<><><><><><>

## Live Coverage

आकाशवाणी ते दूरदर्शन 26 जनवरी गी नमीं दिल्ली दे कर्तव्य पथ उप्पर होने आहली गणतंत्र दिवस परेड दी लाइव कवरेज करने गितै पूरी चाल्ली तैयार ऐ। परेड दी लाइव कवरेज आकाशवाणी ते दूरदर्शन दे सम्पूर्ण सरिस्ते ते वेब्स ओ.टी.टी मंच पर प्रसारित कीती जाग। सूचना ते प्रसारण मैहकमे दे सचिव संजय जागू होरें कर्तव्य पथ उप्पर परेड दी लाइव कवरेज करने लेई आकाशवाणी ते दूरदर्शन आसेआ कीते गेदे प्रबंधें दा जायजा लैता। उनें आखेआ जे गणतंत्र दिवस परेड दी सुचारू ढंग्गै कन्नै कवरेज लेई कैमरा ते ओपटीकल फाइबर स्थतिग करी दित्ते गेदे ना। इस मौके पर प्रसारी भारती दे मुख कार्जकारी अधिकारी गौरव द्विवेदी होरें आखेआ जे इस बारी बेहतर म्यार गितै 4K कैमरा स्थापित कीते गेदे न जिंदी गुणवत्ता सामान्य कैमरें सवां 8 गुणा बेहतर ऐ।



### Prez. Visit

विदेश मंत्री डॉ. एस जयशंकर होरें नमीं दिल्ली च इंडोनेशिया दे राष्ट्रपति Prabowo Subianto हुंदे कन्नै मलाटी कीती। सोशल मीडिया पोस्ट च डॉ. जयशंकर होरें आखेआ जे भारत दे 76में गणतंत्र दिवस समारोह च इंडोनेशिया दे राष्ट्रपति हुंदी मुख परौहने दे तौरा पर शमूलियत दौनें मुखें दी दोस्ती मित्री गी सच्चा सम्मान ऐ। उनें राष्ट्रपति Prabowo Subianto हुंदी दपक्खी सरबंधें च विकास लेई सकारात्मक रौं दी सराहना कीती। श्री Prabowo होर 4 दिनें दे भारत दौरे पर ना। विदेश राज्यमंत्री Pavitra Margherita होरें हवाई अड्डे पर उंदा सुआगत कीता।



### MP-Suspended

वक्फ संशोधन बिल 2024 बारे संसद दी संयुक्त कमेटी दी अज्ज बैठक दौरान दंड रौली पाई रखने कारण विरोधी धड़ें दे 10 सांसदें गी मुअत्तल करी दित्ता। मुअत्तल होए दे सांसदें च टीएमसी दे कल्याण बेनर्जी, डीएमके दे ए. राजा, कांग्रेस दे नासिर हुसैन ते इमरान मसूद ते समाजवादी पार्टी दे मोहिबुल्लाह शामिल ना। भारती जनता पार्टी दी सांसद अपराजिता सारंगी होरें विरोधी पार्टी दे

मिम्बरें आसेआ मीटिंग दौरान कीते गेदे बर्ताव पर सुआल पुट्टेआ। उनें दोष लाया जे कल्याण बेनर्जी होंरें कमेटी दी अध्यक्षता जगदम्बिका पाल खिलाफ असंसदीय भाषा दा उपयोग कीता। दुए पाससै श्री बेनर्जी होंरें आखेआ जे मीटिंग दे विषय च तब्दीली कीती गई। उनें कमेटी दी अध्यक्षता दी बी नुक्ताचीनी कीती। संयुक्त संसदीय कमेटी च लोकसभा सवां 21 ते राज्यसभा सवां 10 मिम्बर शामिल न। वक्फ संशोधन बिल दा मकसद मुख्य भरै च वक्फ दी संपत्तिएं दे प्रबंधन ते नियमें च सुधार करना ऐ।

<><><><><><>

## CEO

मुख चुनां कमिशन होंरें आखेआ जे बायोमीट्रिक राएं प्रमाणिकरण इक बेहतरी सरिस्ता ऐ जेदे कन्नै अवैध ते बार-बार मतदान दी संभावना घटदी ऐ ते एहू बी यकीनी बनदा ऐ जे मतदान उचित मतदाता नै कीता ऐ। उनें एहू गल्ल नमीं दिल्ली च भारतीय चुनां कमीशन दे दो रोजा सम्मेलन दौरान चुनां प्रबंधन इकाइएं गी संबोधित करदे होई आक्खी। उनें आखेआ जे भारत नै मतदाताएं दे बायोमीट्रिक लैने दी प्रक्रिया शुरू करी दित्ती दी ऐ ते प्रक्रिया एल्लै जारी ऐ।

<><><><><><>

## Girl Child Greetings

प्रधानमंत्री नरेन्द्र मोदी होंरें राश्ट्रीय बालिका दिवस पर देशवासिं गी शुभकामनां दित्तियां न। इक सोशल मीडिया पोस्ट च मोदी होंरें आखेआ जे सरकार नै बालिकां गी सशक्त बनाने च योगदान देने आले क्षेत्रें, जियां शिक्षा, Technology, कोशल ते सेहत सेवा पर ध्यान केन्द्रित कीता ऐ। उनें आखेआ जे सरकार एहू जकीनी करा'रदी ऐ जे कुडिं कन्नै कोई फर्कोफर्की नैई होए। उनें कुडिं गी सशक्त बनाने ते उ'नेंगी सुद्धे मौके प्रदान करने दी सरकार दी वचनबद्धता दोहराई। उपराज्यपाल मनोज सिन्हा होंरें बी इस मौके अपनियां शुभकामनां दित्तियां। उनें कुडिं गी सशक्त बनाने ते समाज च

बदलाव दा प्रतीक बनाने दी महत्ता गी बी उजागर कीता, तां जे उंदा बेहतर भविष्य जकीनी बनी सकै।

<><><><><><>

## Properties-Attached

जम्मू-कश्मीर च आतंकवादी नेटवर्कें गी इक्क बड्डा झटका दिंदे होई जम्मू-कश्मीर पुलस दे विशेष जांच युनिट एस.आई.यू नै किश्तवाड़ जिले च औक्कडे 11 आतंकवादी कमांडरें दियां करोड़ें रपे दियां संपत्तियां अटैच कीत्तियां न जेडे पाकिस्तान च छप्पियै बैठे दे न। आकाशवाणी जम्मू दे संवाददाता दी रिपोर्ट मूजब एह कार्रवाई आतंकवाद करी पैदा होने आहले खतरे कन्नै निब्वडने ते खित्ते च आतंकवादी ढांचें गी तबाह करने दी सरकार दी अहम रणनीति दे इक्क हिस्से दे तौर पर कीती गई ऐ ते इसी चनाब घाटी च आतंकवाद खलाफ जारी लड़ाई च इक्क महत्वपूर्ण गैंऽ दे तौर पर दिक्खेआ जा करदा ऐ। इस कार्रवाई दी अगुवाई किश्तवाड़ दे एसएसपी जावेद इकबाल ते डीएसपी विशाल शर्मा होरें कीती ते इस दौरान आतंकवादी गतिविधियें च मलब्वस दोषियें दिएं संपत्तियें गी निशाना बनारया गेआ ऐ।

<><><><><><>

## Tennis

आस्ट्रेलियन ओपन टेनिस प्रतियोगिता च दुई वरीयता प्राप्त जर्मनी दे खडारी Alaxender Zvesev होर सेमीफाइनल मुकाबले दौरान 7में नंबर दे खडारी Novaik Djorovic दे retire होई जाने कारण फाइनल च पुज्जी गए न। 10 बारी आस्ट्रेलियन ओपन दा खिताब जित्तने आहले Novak Djokovic पैहला सेट 7-6, कन्नै हारने मगरा चोटिला होई गए जिस कारण उनेंगी रिटायर होना पेआ। दुए सेमीफाइनल च Jamik Siner दा मुकाबला अमरीका दे Ben Snelton कन्नै होगा। महिला सिंगल्स

दे फाइनल च बेलारस दी Aryna Sabalenka दा मुकाबला अमरीका दी Machison Keys कन्नै  
कल होग।

